



## Die vierzehende Predigt/

Von Münz / Gewicht  
vnd Zahl / so in der Biblien  
gedacht wird.

**A** Eliebten Freunde im HERRN /  
vorn Jahr haben wir die Sprüche in der  
Biblien erklärt / die vom Schmelzwerck  
lauten / zu Ehren vnd Trost allen denen /  
so in Hütten zu thun haben / darbey ist  
auch des Geistlichen Schmelzens in der  
Hütte oder Kirche Gottes erwehnet. Auff  
dissmal wollen wir im Namen Jesu Christi / welcher  
auch ein halben Thaler ins Fisch Mund gemünzet / von  
Weltlichen vnd Geistlichen Münzwerck vnd Münze re-  
den. Disz wird der Ohmschofft vnd allen / so der Münze  
verwande / Ehrlich vnd tröstlich seyn / vnd also werden wir  
gelegner Weise / von der Münz im alten vnd neuen Testa-  
ment reden / vnd die schönen vnd tröstlichen Spruch der  
Schrift von dem eingeschaffnen Bilde Gottes in vns / vnd  
wie dasselbige in Adam vnd Eva Herz verrucket vnd ver-  
griffen / vnd durch den Geist Gottes wieder in vns angericht  
oder vernewret wird / tröstlich vnd seliglich reden können.

Aaaaa

Die